

روئى ميرڤن هوزانغان د ئەدەبىياتا كلاسىكىا كرمانجىا سەرىدا
- ميرگەهڤن بەهەدىنان و ھەكارى وەك نەمۇنە -

د. پروين رووف ھادى

پشكا زمانئ كوردى- كوليژا زمانان- زانكوياد ھوك/ ھەريما كوردستانا عىراق

پۆختە:

ئەدەبىياتا كلاسىكىا كوردى دناڧ باوھشا ميرگەهڤن كوردىدا سەرھلدايە، لەورا ئەڤق قوناغا ديروكيا مللەتئ كورد ب شۆمەيەكئ گشتى كاريگەريا خوە ل سەر ئەدەبىياتا كلاسىكىا كوردى و هوزانغانئ كورد ھەبوويە، نەخاسمە ھندەك ژ ميرڤن كوردان سەرھپاي ھوكمرانى و دەستەلاتدارىيا ميرگەهڤن خوە گرنگىيەكا مەزن ب ئەدەب و رموشەنبيريئ دايە، تەنانەت كو ھندەك ژ وان رولەكئ مەزن د نقيسين و ڤەھاندنا هوزانئدا ھەبوويە و خودان بەرھەم و ديوان بوون.

ئەڤ ڤەكولئنە جەخت ل سەر پەيدا بوونا قوناغئ ئەدەبىياتا كلاسىكىا كوردى ل دويف ميرگەهڤن كوردى دكەت، ھەوروھسا ئەو ميرڤن هوزانغان و دياركرنا رۆلئ وان دىباڤئ ئەدەبىيات و رموشەنبيريئدا، ديسان ئەزموونا شيعرييا ئەقان ميرڤن هوزانغان دەيتە دياركرن و هوزان و بەرھەمئ وان ژلايئ روخسار و ناڤەروكڤە دەيتە دياركرن، و ئايا دناڤ بەرھەمئ واندا بەرژەنگئ سىياسى و ھوكمرانيئ ديارن يان ژى سەرھپورا وان يا هوزانكى دوورى سىياسەت و دەستەلاتداريئ بوو؟ يان ژى ل دويف رڤياز و شوپا هوزانغانئ مەزن چ ل سەرھەمئ خوە يان يئەن بەرى خوە چووینە، و ئەو ب كيژ هوزانغانئ مەزنئ كورد يئەن ھەڤچاخ يان بەرى خوە كاريگەر بووینە؟

ل دووماھيئ گرنگيا ڤەكولئنئ د وئ چەندئ دايە، كو دبیت خوینەر نزانیت كو ھندەك ژ هوزانغانئ كلاسىكىيئ كورد مير بوون و قوناغەك ژ ژيانا خوە ژبو دەستەلاتداريئ تەرخان كرينە، لئ دىباڤئ ئەدەبىياتا ژى دەستەكئ دەستەل ھەبوون تايبەت د نقيسينا هوزانئدا، و دڤق ڤەكولئنيئدا دئ روئ وان ب باشتەر ھيئە ديار كرن.

پەيڤڤڤن سەرەكى: ئەدەبىياتا كلاسىكىا، ميرگەهڤن كوردى، ميرڤن هوزانغان، بەهەدىنان،

ھەكارى.

پیشہ کی:

ئەدەبىياتا كلاسىكىا كرمانجىا سەرى دەپتە ھۆمارتن ئېك ژ قوناغېن سەرەكى و گرنىگ د مېژوويا سەرەلدانا ئەدەبىياتا كوردیدا، دىروكا قى ئەدەبىياتى ل گەل دىروكا مىرگەھ و دەرەتەن كوردى سەرەلدایە و دناڤ ڤان مىرگەھاندا ھندەك ژ مىران ژېلى سىياسەت و ڤەرمانپرواىا مىرگەھان رۆلەكې باش د بىاڤى ئەدەبىياتیدا گېڤاىە، نەخاسمە رۆلې وان مىرېن ھوزانڤان د مىرگەھېن بەھدىنان و ھەكارى. ئەڤ ڤەكولینە دى روناھىي بەردەتە سەر رۆلې مىرېن ڤان ھەردوو مىرگەھان د ئەدەبىياتا كلاسىكىا كرمانجىا سەرىدا. **ناڤونىشانى ڤەكولینى:** ڤەكولین ل ژېر ناڤونىشانى (رۆلې مىرېن ھوزانڤان د ئەدەبىياتا كلاسىكىا كرمانجىا سەرىدا بەھدىنان و ھەكارى وەك نمونە).

رېبازا ڤەكولینى: ئەڤ ڤەكولینە ل دوپف رېبازا وەسفى شروڤەكارى ھاتە ئەنجامدان. **ئارمانجا ڤەكولینى:** دياركنا لایەننى رەوشەنبىرى و رەوشا ئەدەبىياتى ل دەڤ مىرېن ھوزانڤان د میانى ھوكمرانیا واند ل مىرگەھېن كوردی.

پرسىارېن ڤەكولینى: ئایا رەوشا ئەدەبىياتا كرمانجىا سەرى دناڤ مىرگەھېن كوردیدا ب چ رەنگ بوویە؟ ئایا مىرېن كورد بتنى گرنىكى ب بەلاڤكرنا زانست و زانىنى دایە یان ژى رۆل د ڤەھاندانا ھوزانیدا ھەبوویە؟ ئەرئ ڤان مىرېن ھوزانڤان بەرھەم ھەبوویە؟ ئەرئ د كىژ مىرگەھېن كوردیدا پتر مىرېن ھوزانڤان ھەبوون و خودان ھوزان و دیوان بوون؟ ژېدەر و سەرچاوەیېن وان بو ڤەھاندانا ھوزاننى چنە؟ ئایا بەرژەنگېن ھوكمرانیا وان د بەرھەمېن واند ديارن؟

ئاستەنگېن ڤەكولینى: ئەڤ بابەتە ئېك ژ وان بابەتەنە، كو ھەتا نوکە ژېدەر و سەرچاوەیېن كېم ل سەر ھەنە: ژبەرکو بەھرا پتر ژڤان مىران سەرەڤاى كو ژېدەر و زانیاریېن دىروكى ل سەر ھەنە لى زانیاریېن ئەدەبى ل سەر وان زور دكېمن، ھەتا ھندەك ژ وان ھوزانڤانان ھەتا نوکە بەرھەمېن وھان ئەھاتینە دیتن و دبیت ل پاشەرۆژى ديار بېن. **پەیکەرئ ڤەكولینى:** ڤەكولین ژ دەرۆزەپەك و دوو تەمەرېن سەرەكى پېكەتایە، تەمەرئ ئېك بەھس مىرېن ھوزانڤان یېن مىرگەھا بەھدىنان د ئەدەبىياتا كلاسىكىا كرمانجىا سەرىدا ھاتیە كرن، تەمەرئ دووئ تابیەتە ب مىرېن ھوزانڤان یېن مىرگەھا ھەكارى د نڤیسین و دانانا دیوانان ب زمانى كوردیدا.

دەرۆزە:

پشتى ژناڤچوونا دەرۆزەتە عەبباسى وەلاتین موسلمانان ل سەر ھۆمارەكا دەرۆزەت و مىرگەھېن جوراوجور دا دابەش بوون و دناڤ واند چەندین مىرگەھ ل كوردستانى بوون، دناڤ كوچكېن وان مىرگەھاندا ھۆمارەك ژ ھوزانڤان و ئەدیبان ھەبوون، د پەرتووكا

شهره‌فنامه‌دا هاتیه کو باپیری وی میر شهره‌فخانئ به‌دلیسی دده‌می دهرکه‌فتن و شهراندا هژماره‌کا مه‌زن ژ هوزانئان و ئه‌دیبان دگهل خوه دهرن.

دده‌ستپیکا سه‌ده‌می شازدیدا کوردستان ده‌قته ل ژیر ده‌سته‌لاتا دمه‌له‌تا عوسمانیدا ئه‌وژی پشتی میرین کوردان ل سالا ۱۵۱۵ په‌یمان‌ه‌ک دگهل سولتانی عوسمانی گری‌دای تیدا دانپیدن ب سه‌ریه‌خویا میرگه‌هین کوردی د چوارچووقی ئیمپراتوریا عوسمانیدا هاته کرن، د به‌رامبه‌ردا میرین کورد پشکداریی د شهرین دمه‌له‌تا عوسمانی دژی دوژمنین ویدا بکه‌ن(هروتی، ۲۰۰۸، ل ۶۳)، لی هه‌رچه‌نده کوردستان ب فه‌رمی بوو پارچه‌یه‌ک ژ قی دمه‌له‌تی لی وه‌لاتی کوردان نه‌که‌فته ژیر کاریگه‌ریا زمانئ تورکی ئه‌وژی ژبه‌ر دوو ئه‌گه‌ران: ئیک: هه‌تا وی سه‌رده‌می و دمه‌که‌ن دریز پشتی هینگی ژی زمانئ فارسی زمانئ هوزان و ئه‌ده‌بیاتی بوو نه‌کو زمانئ تورکی و یا دووی: ل گورپی په‌یمانا کوردان کو میرین کورد دگهل دمه‌له‌تا عوسمانی گری‌دای ده‌سته‌لاتا عوسمانی مافی ده‌ستپومردانی دکاروبارین میرگه‌هین کوردیدا نه‌بوو، له‌ورا میرگه‌هین کوردان ژلایئ میر و حاکمین کوردان قه دهاتنه بریقه‌برن وان گرنگی ب ئا‌فاکرنا مرگه‌فت و مه‌درسه‌یان ددا و زانا و مه‌لا ژ نا‌خو و دهرقه‌ی کوردستانئ دئینان، ئه‌قی چه‌ندئ کاریگه‌ریا ل سه‌ر په‌یدا‌بوونا گه‌شه‌کرنه‌کا زانستی و ئه‌ده‌بی هه‌بوو، هه‌ر دق ده‌میدا ده‌ستپیکین نقیسینی ب زمانئ کوردی په‌یدا بوو (دوسکی، ۲۰۰۸، ل ۲۶).

هه‌رچه‌نده به‌دلیسی ئاماژه‌دایه کو هوزانئان کورد ل سه‌ده‌یی ۹ کوچی/۱۴ه‌وزان قه‌هاندینه، لی ئه‌وی نا‌قی چ ژ وان هوزانئانان نه‌ئینابه، ئیکه‌م هوزانئانئ کورد ئه‌وی نا‌قی وی د ژیدمه‌راندای هاتی میر یه‌عقوب به‌گئ زرکی یه ئه‌وی میراتیا ل میرگه‌ها دهرزینی دکر و ل سالا ۱۵۷۹م‌ریه و بو ماوی ۲۵ سالان حوکم کریه. شهره‌فخان دیار دکه‌ت کو ئه‌ف که‌سه مروفه‌کئ سوفی بوو و د هوزانین ویدا رامانین (الوحدة المطلقة) ددیار بوون (بدلیسی، ۲۰۰۶، ج ۱، ص ۲۳۹)، پتریا هوزانین وی ب زمانئ کوردی بوون لی به‌ره‌مه‌ی وی د به‌رزنه و هه‌تا نوکه نه‌هاتینه دیتن، ب قی ره‌نگی ل سه‌ده‌یی ۹-۱۰ کوچی/ ۱۵-۱۶زایینی ده‌ستپیکا ئه‌ده‌بیاتا کلاسیکیا کرمانجیا سه‌ریه و ئه‌ف ئه‌ده‌بیاته بو ئیکه‌مین جار دنا‌ف میرگه‌هین کوردی و ل سه‌ر ده‌ستئ میره‌کئ کورد په‌یدا بوویه.

هه‌ر د قوناغا ده‌ستپیکا کلاسیکین کرمانجدا دشین ئاماژه‌یین ب هنده‌ک هوزانئانین دی بده‌ین کو ب تنئ هوزانه‌ک یان چه‌ند دانه‌یه‌ک ژ به‌ره‌مه‌ین وان گه‌هشتینه مه وه‌ک هه‌میدی شاعری کوچکا میرئ به‌ه‌دینان سولتان حسین به‌گی (مرن ۱۵۷۳ز) (دوسکی، ۲۰۱۹، ل ۲۳) و ئه‌حه‌دئ کاتب کو نقیسه‌ری دیوانا میر قوباد به‌گئ به‌ه‌دینان(مرن ۱۵۸۴) بوو (بادی، ۲۰۲۱، ل ۲۵۰). پشتی قی قوناغی چه‌ندین هوزانئانین دی ده‌ین وه‌کی مه‌لایئ جزیری، فه‌قیق ته‌یران و عه‌لیق حه‌ریری ئه‌حه‌دئ خانی و مه‌لا ره‌مه‌زانئ

عهبباسی هاتن کو ئەفه ب دروستی قوناغا داهینانا ئەدەبیاتا کلاسیکیا کرمانجیا سەریه (گولی، ۲۰۱۶، ل ۴)، پشتی هینگ ب ۱۰۰ سالان ئانکو ل نیفا دووی ژ سەدەیی ۱۸ و نیفا ئیک ژ سەدەیی ۱۹ هوزانفانین کرمانجی د قوناغا چاقلێکرنێرا بورینه، ئانکو چاقلێکرنا هوزانفانین بەری خود، وەک پەرتوویی هەکاری چاف ل مەلای جیزی کریه و فەق رەشیدئ هەکاری بو فەقی تەیران و حارسئ بەدلیسی بو فەقی تەیران. (دوسکی، ۲۰۰۴، ۹-۸)

۱- رولێ میرێن هوزانفان یێن میرگەها بەهیدنان د ئەدەبیاتا کلاسیکیا کرمانجیدا
 دسەردەمێ نویدا بیاقی ئەدەبیاتی نەخاسە هوزانی بەلاقبۆنەکا باش ب خومفە دیتیه و بوویه جهئ گرنگیدانەکا مەزن ژلای میرێن هەمی میرگەه و دولەتێن کوردانقە، و "پیشەچوونەکا خورت هاتە مەیدانی و کارتیکرنەکا بهێژ ژلای ئەوان میر و پاشایانقە ئی هاتە کرن ب پەیدا کرنا ژێدەری زانستی و ئەدەبی ل بەردەستی وان یان ژ ب دانا خەلات و دیاریان ئەوی بو هەمی تەخ و چینێن جفاکی دەهاتنە پیشکێش کرن، نەمازە جینا هوزانفانان، لەپا دئ بینین هوزانفان دەرکەفتن و داهینان د بەرکاری خودا دکرن". (دێرەشی، ۲۰۱۵، ل ۲۸)

ئاشکەرایە میرگەها بەهیدنان پیگەه و مەلبەندەکی رەوشەنبیری یێ مەزن بوو دەهەمیژا ویدا کو پایتەختی وئ باژێری ئامیدی بوو، پویتەپێدانەکا مەزن ب بەلاقکرنا زانست و زانیی دەهاتە دان، لەورا چەندین مەدرەسەیی زانستی و ئایینی هاتینە فەکر مینا مەدرەسەیا قوبەهان و سەیدخان و مورادخان و ئیمام قاسم و مەیدان و مزگەفت مەزن(ریکانی، ۲۰۲۰، ۱۲-۲۰). هەر سەبارەت ئەقی چەندێ بەدلیسی دبیژیت کو "بەهیدنان جهئ زانان و چاکێن دیندارە، لەورا میرێن بەهیدنان گەلەک مەدرەسە و مزگەفت ئاڤا کرینە کو خەلکی زانان و پەرەرەم بەرێخووە ددەن و مضایێ ژ زانستی د وان مەدرەسەیاندا دبێن". (البەدلیسی، ۲۰۰۷، ج ۱، ص ۱۳۶)، ئیک ژ وان قوتابخانەیی رۆلەکی بەرچاف د رێخەبرنا ئەدەبیاتا قی دەفەرئ هەبوو مەدرەسەیا قوبەهان بوو ئەوا ژلای میر سولتان حسیێن وەلی هاتیه ئاڤاکرن کو "مینا زانینگەهەکا خواندنێ یا مەزن بوو ل هەمبەر زانینگەها ئەزەهر یا مسری بوو و پەيوەندی دگەل هەبوو و هژمارەکا مەزن ژ پەرتوو و ژێدەری زانستی تیدا هەبوون" (بادی، ۲۰۲۱، ل ۴۶).

ژقەرێژا ئەڤا بووری هەر زوی چەندین هوزانفان دناڤ میرگەها بەهیدناندا پەیدا بوون ؛ ژبەرکو ئەڤ فەکوێنە تاییهتە ب وان هوزانفانان کو میرێن میرگەهێ بوون، لەورا دئ ب کورتی ئاماژەیی ب هەندەک هوزانفانین پیشەنگێن بەهیدنان دمین کو بووینە بەرئ بناخە ی ژ بو هوزانا کلاسیکی ل قی میرگەهێ وکەفتنێن وان هوزانفانەکا ب ناڤ (حەمیدی) کو د سەردەمێ سولتان حسیێن وەلیدا ژبایه و هوزانەک ژ ۲۸ مالکان ب زمانێن

(کوردی، عەرەبی، فارسی و تورکی) قەھانندییە. ھەرودەسا ھوزانقەن ئەحمەدێ کاتب کو نقیسیەرێ میر قوباد بەگی بوو و ھوزانەك بتنی ژ بەرھەمێ وی گەھشتیە مە و ئەف ھەردوو ھوزانە ژ کەسێن نزیکێ میران بوو (دوسکی، ۲۰۱۹، ل ۱۲۸ و ۲۳)، ھەر ل سەدەیی شازدە ئامازە ب میرێ بەھدینان قوباد بەگی ھەنە کو ھوزان قەھاندبن لئ ھەتا نوکە ئەف ھوزانە نەھاتینە دیتن (کەشکول، www.qalamos)، ھەرودەسا ل ناڤەرستە سەدەیی ۱۷ مەلا رەمەزانێ عەبباسی پەیدا بوو، کو ژ ناسناڤی وی دەیتە زانین کو ئەو ئەندامەکی مالباتا میرێن بەھدینان بوو و ژ بەرھەمێ وی ژێ ب تنێ ئێک ھوزان گەھشتیە مە (گولی، ۲۰۱۶، ل ۴۲)، و ژقان نمونەیان دەیتە زانین ژمارەیکە باش ژ ھوزانقەن ل بەھدینان پەیدا بووینە و خودان بەرھەم بوون، لئ ژ بەر بارودوخی کوردستان تیدا بوری ناڤین گەلەگ ژ وان و بەرھەمێن ون نەگەھشتینە مە.

۱- **محەمەد تەبیار پاشا:** ئێک ژ میرێن ھوزانقەن یێن کلاسیک ل میرگەھا بەھدینان و دناڤەرا ۱۷۸۴-۱۸۲۱ز ژیا، ناڤی وی ب دروستی محەمەد تەبیار کوڤێ ئیسماعیل پاشا کوڤێ بەھرام پاشا کوڤێ زوبەیر کوڤێ سەعیدخانێ دووێیە کوڤێ یوسف بەگی کوڤێ سەعیدخانێ ئێک کوڤێ سەبیدخان کوڤێ قوباد بەگ کوڤێ سولتانی حسینێ یێ ناڤدار ب حسینێ ودلی یە (ریکانی، ۲۰۱۹، ل ۶۶۷).

محەمەد تەبیار بچووکتین کوڤێ ئیسماعیل پاشای بوو، پشتی مرنا بابێ وی ل سالا ۱۷۹۸ دەسیەت کر کو ئەو دەستەلاتێ ل میرگەھێ وەرگیریت، و ھەر تەشتەك بەکەڤیتە ژێردەستی وی، لئ ئەف چەندە بوو ئەگەرێ نەرازیبوونا برایی وی مورادخانێ و ژ ئەنجامێ قی چەندێ مەملانییەکا دژوار دناڤەرا واندا پەیدا بوو و د ئەنجامدا مورادخانێ شیا ھەر دوێ سالیدا تەبیار پاشای لادەت، و تەبیار پاشا بەرەف کەلا قومرێ ل دەڤەرا بەرواریان چوو و خوہ ئاسی کر و پشتی چەندین شەپان دووماھیێ ل سەر وئ یەکی ریکەفتن، کو مورادخان ببیتە میرێ ئامیدی و محەمەد تەبیار پاشا ببیتە میرێ ئاکری، پاشا دناڤەرا سالیێ ۱۸۰۰-۱۸۰۴ ببوو میرێ دەوکی، و ل سالا ۱۸۱۳ میرێ زاخو بوو (ریکانی، ۲۰۱۹، ل ۶۵۹).

ئەو دەمێ میر محەمەد تەبیاری تیدا ژیا قوناغەکا پری زانست و ئەدەبیات بوو، ل باژێرێ ئامیدیێ ھژمارەکا زاناییێ مەزن بەرچاف بوون وەك: مەلا مەحمودێ بەھدینی و مەلا یەحیایێ مزووری و مەلا صالحێ ئاکرمی و کومەکا ھوزانقەن کلاسیک ژ پەیدا بوون، مینا مەلا مەنسورێ گیرگاشی و بەکر بەگێ ئەرزی و سەیفیێ شوشی و گەلەکێن دی (بادی، ۲۰۲۱، ل ۱۳۸-۱۳۹). ژلایەکی دێقە قەکرنا قوتابخانە و ناڤەندی زانستی ژلایێ میرێ ئامیدیێقە و ھاندانا وان ژبو بەلاقکرنا زانستیێ شەری و ئایینی و ئەدەبی پێنگاڤەکا مەزن بوو دەھاتە دیتن، لەوێ دئ بینین کو میر محەمەد تەبیار ژ قی رەوشی بئ ئاگەھ نەبوو و قی ھوزانقەنی وەکی گەلەکێن دی شەیدایی مەلایی جزیری بووینە و ژ ئەنجامێ قی چەندێ

دانه‌یهك ژ دیوانا وی ب ریښیسه‌كا جوان و ب دهستی خوه نقیسیه و ل دووماهیا دهستنقیسا خودا ب ځی رنگی خوه دایه نیاسین: "حقیر التقصیر محمد طیار بن اسماعیل باشا العباسی أصلاً العمدادی وطناً". ئەف دهستخه‌ته ل سالا ۱۲۱۳هـ/ ۱۸۱۵ز نقیسیه ول په‌رتوو‌كخانا مه‌لا ته‌هایك كوړی شیخ مه‌زه‌ری مایی هاتیه پاراستن. (محمد طیار باشا، ۱۲۳۱م‌ش، ل ۱۴۵).

ده‌رباره‌ی ئەزموون و سه‌ربوړا وی یا ئەده‌بی گه‌له‌ك زانیاری به‌رده‌ست نین، ئی ژ هوزانی وی یین به‌رده‌ست ده‌یته زانین كو هوزانخانه‌كی ده‌سته‌ل و شارم‌زایه. مه‌لا ئەنومړی مایی د په‌رتوو‌كا (أكرا د فی به‌دینان) دب‌یژیت "مح‌مه‌د ته‌ییار پاشا هوزانخان و تورپ‌شان بوویه، وی هوزان ب زمانین كوردی و فارسی هه‌نه، ئەز ل سه‌ر هندك هوزانی وی یین كوردی ب ریښیسا وی یا جوان هه‌لبوویه و من دیتی كود نازك و جوان و ب ریت‌مه‌كت خو‌شه، وی هندك هوزانی مه‌لایی جزیری کرینه پی‌نج خسته‌کی و داه‌یانا خوه یا شعری ب جوانترین خه‌ل دیار کریه". (المایی، ۲۰۱۱، ص ۲۲۰-۲۲۱).

مح‌مه‌د ته‌ییار پاشای د هوزانین خودا ناسناځی (غ‌ریبی) بو خوه هه‌لب‌زارتی‌ه، سه‌بارت ئەگه‌ری هه‌لب‌زارت‌نا ئەفی ناسناځی دوو بو‌چوون هه‌نه، هندك دب‌یژن ژبه‌ركو ئەوی بو ماوه‌یه‌کی ژ با‌ژیری خوه دوور بوویه له‌وړا ناسناځی (غ‌ریبی) هه‌لب‌زارتی‌ه، ئی ب باو‌مریا سه‌عید د‌یره‌شی دب‌یژیت كو مح‌مه‌د ته‌ییار پاشا میرات‌گری شه‌ریعی میرگه‌ها به‌هدینان بوول ئ ده‌لیقه و كاودانان نه‌ه‌یلایه ئەو ب میراتی شاد ببیت، له‌وړا ئەوی خوه د وه‌لاتی خودا ب (غ‌ریب) و ته‌نگه‌زار دیتی‌ه (دوسکی، ۲۰۱۹، ۱۴۷؛ د‌یره‌شی، ۲۰۱۷، ل ۹).

هه‌روه‌سا فی هوزانخانی ه‌ژمارا (۹۲) وه‌ك ناسناځه‌كی دی بو خوه هه‌لب‌زارتی‌ه و ئەف ه‌ژماره ل دویف ه‌ژمارا حسابا ئەب‌ج‌ه‌دی دب‌یته ه‌ژمارا په‌یقا (مح‌مه‌د) كو ناځی هوزانخانی‌ه (بادی، ۲۰۲۰، ل ۱۶۳).

ژبه‌ره‌م‌ین ئەفی میری، ژبلی نقیسینا دانه‌یه‌كا جوان ژ دیوانا مه‌لایی جزیری، دیوانه‌كا شی‌عریا ته‌مام هه‌یه، كو ژ ۹۲ لاپه‌ران پ‌یكه‌اتی‌ه و هوزانی وی ل دویف ئەلفوب‌یا ئەب‌ج‌ه‌دی هاتینه ری‌زكرن، و سه‌رجه‌می هوزانی وی ۱۵۲ هوزانن كو ۹۲ ژ قه‌سیدنه و ۳۲ چو‌ارین و ۲۸ ژ پی‌نج خسته‌یی‌نه. (دوسکی، ۲۰۱۹، ل ۱۴۷).

ل دووماهیا دیوانا خوه نقیسه‌ری ده‌سته‌تی ئەف گوتنه ب زمانن فارسی نقیسیه "تمام شد غزلیات جانفدای غمزدای غریبی قدس سره العزیز، کمالات او از شرح مستغنی است چنانکه مشهورند = غه‌زه‌ل‌ین جانفیدایین خه‌م‌گینن غ‌ریبی (قدس سره العزیز) ب داوی هات، شروقه‌یا روم‌شا وان یا هی‌ژا پ‌ی‌د‌قی نینه چونکه ئەو ب خوه گه‌له‌ك بنا‌فودنه‌گن". (دوسکی، ۲۰۱۹، ل ۱۵۰).

محهمده تهيارى پاتريا هوزانين خوه ب زمانى فارسى نفيسينه، ژ سهرجه مئ هوزانين وى بتنئ (۹) هوزان ب زمانى كوردينه و يين دى ب فارسى قههاندينه، پينج ژ هوزانين كوردى پينج خسته كينه كو چوار ژ وان ل سهر غهزه لپن مهلاين جزيرينه و يا پينجئ ل سهر غهزه له كا پهرتوويئ ههكارى قههاندويه، نهقه رامانا وئ نهوه كو زور ب مهلاين جزيرى داخبار بوويه، ههروهسا هوزانين پهرتوويئ ههكارى ژى كو ل وى دهمى ميراتى ميرگه ها ههكارى دكر گههشتبوونه دهستئ وى و نهوى ناگهه ژ هوزانانين سهرده مئ خوه هه بوو.

ب گشتى ميرين بههدينان بايه خدانه كا مهزن ب مهلاين جزيرى دايه، نهخاسمه نهو ميرين هوزانقان كو ژيدير و سهرچاوميين وان بوويه د قههاندنا هوزانيدا، سهارمتئ قئ چهندئ دكتور محهمده على قهرمدلغى دبئزيت "بايه خدانى ميرانى عيمادويه به ديوانى مهلاين جزيرى نهو بايه خدانه ي كه دوو فليقانه و دووسهرديه و له لايه كهوه زانا و كهله مهلامانى نهو سهردهمه ههر كهسئ ل ئاستى خويهوه به شيويهك له شيوهكان خزمهتئ پارچهيهك يان چهند پارچهيهك يان بگره سهرجه مئ شيعرهكانى مهلاين جزيريان كردووه و به بيروبووچوونى خويان شهريان كردووه و مانايان ليكداوتهوه". (قهرمداغى، ۲۰۰۶، ل ۹).

بو نموونه د پينج خستهيه كيدا ل سهر هوزانا مهلاين جزيرى دبئزيت:

بئ غه مئ عشقئ (غهريبى) چ حاصل ژئ مهلئ

دلبهرا عشوه پهرى زولف و سه لاسل ژ مهلئ

مه ششها نازك و مه ستانه و بر دل ژ مهلئ

هاته دهستئ مه د رمقصئ ودگو: بل ژ مهلئ

دهست ب كهس دى د سه مايا كو (مهلا) تئ نادهم (دوسكى، ۲۰۱۹، ل ۱۶۱)

ههر د پارچه غهزه اه كا ديدا د چوارچووئ پينج خستههكى ل سهر غهزه له كا مهلاين

جزيرى قههاندويه شيايه ب هوزانا خوه يا بهيز دهرپينئ ژ بابتهئ عشق و قيانئ بكهت:

ب غهريبى دلئ مه سروور صيفهت

رمقصى سهرخودش و مه خمور صيفهت

مه ستيا بادمتئ نهنگور صيفهت

ق (مهلئ) سوپ پهرىيا حور صيفهت

سهده مهلك دهست ب دهستن چهپ و راست

(دوسكى، ۲۰۱۹، ل ۱۵۹)

ههروهك ديار بووى كاريكهريا مهلاين جزيرى ل سهر محهمده تهيارى ئاشكرايه و

دبيت ژ نهگهريئ قئ كاريكهري و داخباربوونئ دهست ب قههاندنا هوزانئ كريت نهخاسمه

نهوى دانهيهك ژ ديوانا جزيرى ب دهستهتهئ خوه نفيسيه، د هوزانين ويدا ديار دبیت كو وى

ههولدايه ژلايئ شپواز و داريتنا هوزانيقه چاف ل جزيري بكهت و گهلهك پهيڤ و زاراف ژ جزيري و مرگرتينه. كهواته جزيري ئيلهام و ژيډمري وى يئ شيعرى بوويه.

ژلايهكئ ديقه د پيئج خستهكييهكا دى ل سهر غهزهلهكا ميرئ ههكارى مستهفا بهگى قههاندويه و تشتئ سهرنجراكيش دقئ هوزانيډا تيكههلكرنا بهرههمئ دوو ميرئين هوزانقانه، ئيك ل بههدينان و بى دى ل ههكارى:

دوو نهفعان رهنكئ رهشتوزن سهرئ زولف
دوو هندو مهستئ جانسوزن سهرئ زولف
دوو جادوو سحرناموزن سهرئ زولف
ژيادئ صوبحئ ئالوزن سهرئ زولف
وميا مهستن ژ بيئنا مسكئ نهذفر
نزانم ئەف چييه دمردئ هناقان
مه نيته صهبر و راحت وهقت و گاڤان
(غهريبى) ئەم كهتن وان بهند و داڤان
يهقين (پهرتو) نهظهر كريبو ل چاڤان
كو ما مهسته وهكو مهخموور و نهبتهر

(دوسكى، ٢٠١٩، ١٥٧).

دياره ئيك ژ ساخلهتين قههاندنا قالبئ پيئج خستهكى نهوه، كو هوزانقاني ئيكن بى كاريگهره ب هوزانقاني دووى و دناف نهقى ميرئ هوزانقاندنا ديار دبيت كو نهو ب پلا ئيكن ب مهلايئ جزيري كاريگهره و ب پلا دووى ب پهرتويئ هاكارى داخباره.

ههروهك بهرى نوكه هاتيه دياركرن كو ناسناقئ خوه يئ شيعرى كريبه غهريبى؛
ژبهركو ماوهيهكئ ژ ژيانا خوه دوورى باژيريئ ئاميديئ بورانديه و ئەف ههستئ غهريب و دهرهدهريئ رهنكهدانا خوه دناف هوزانا ويدا كريبه:

ژارم ژ دهستئ فورقهتئ	ديسا ل من سهردا غهمان
كوشتم ب دمردئ ههسرهتئ	من صهبر و طاقت قهط نهمان
راحت مهربه يهكسهر ژ دهست	جوهنئ خومار و مهى پهدهست
رهشمار ب گهپ هاتن د مهست	ههژيان ل دور سهلوا جوان

و ل دووماهيا قئ شيعري فيغان و فهرياديئ خوه ژ دمردئ زهحمهت و نهخهشييا دوور بوونئ ددهته دياركرن:

فهرياد و نهفعان من غهريب	ههر تين ژ بهر جهورا رمقيب
مه ژ زهحمهت و هيجرا حهبيب	نالى گههانه ئاسمان

(دوسكى، ٢٠١٩، ١٥٣)

ټهف جوړه هوزانا دچپته دچوارچووفی هوزانا (خه‌ریبی) دا و ئیکه ژ وان باب‌ه‌تان، کو ژ که‌فندا هوزانفانین کلاسیک د هوزانین خودا باس کرینه "ټهف خه‌ریبییه ژ جهی یان دهمی، ټهف هه‌ستکرنه پستی دوورکه‌فتن و ژیکجودابوونی دهیت، هه‌روهسا پتر ژ هه‌می مروقان هوزانفان خودان هه‌سته‌کی نازکه و ټهو دزانیت ب دروستی بشپټ ټه‌فی هه‌ستی گریډای ب بیره‌اتنین ویشه ل هه‌ر جهه‌کی و هه‌ر دهمه‌کی وه‌سف بکه‌ت". (دوسکی، ۲۰۲۲، ۲۹۲ل)

هه‌ر ژ کاریگه‌ریا قی خه‌ریبیا خوه بو باژیری نامیدی د هوزانه‌کا خودا ب زمانئ فارسی داخوای ژ بایئ سپیدی دکه‌ت کو سلافتن وی دگهل خو بو خوه‌شتیپن وی ل باژیری ببه‌ت:

ای نسیم سحر امروز مبارک بادی
که نویدی برخسته ز یاران دادی
من نمی دانم که تاتار رسیدی امروز
یا که از جانب احباب سر عمادی

(دوسکی، ۲۰۱۹، ۱۴۸ل-۱۴۹)

(ټهی بایئ سپیدی ټه‌فرو تو بایه‌کی پیروزی، ته مزگینه‌ک ژ یاران بو من ئینایه، ټه‌ز نزانم کو تو ټه‌فرو وه‌ک ته‌تر هاتی یان ژلایئ خوشتیپن ل سه‌ری نامیدی). هه‌روهسا باب‌ه‌تن پی‌گوتنی ژی دهوزانین ویدا دیارن، مینا ټهو هوزانا ب مرنا شیخ عه‌بدولرحمانئ شوشی گوتی و تیدا ټاماژه ب سالا مرنا وی ژی دایه:

مفخر صوفیه عبدالرحمن
مردم باصره انسانی
فیض باب از مدد شیخ قصیر
ناهج و معتقد گیلانی...
غفر الله له مولانا
الباری بالرحمه و الرضوان
زین تغابن بطلب لفظ غرام
سال تاریخ وفاتش دانی

(دوسکی، ۲۰۱۹، ۱۴۷ل)

و په‌یقا غرام ب حسایا ټه‌بجه‌دی ل هه‌مبه‌ر سالا ۱۲۴۱م‌ش/۱۸۲۶زایینی دهیت و ټه‌فه سالا مرنا شیخ عه‌بدولرحمانئ شوشیه.

تشتی بالکیش ټه‌وه کو دهوزانین محمه‌د ته‌یاریدا هیج به‌رژه‌نگین سیاسی و هوکمرانیا وی ناهینه دیتن، لی بتنئ د هوزانه‌کا خودا ټاماژه هوکمی برایئ خوه

مورادخانی دایه دهمی هاتیه سهر تهختی میراتیا میرگه‌ها به‌دینان، هه‌رجه‌نده ژ ژیدم‌رین میژوویی ده‌یته زانین کو په‌یوه‌ندیین هه‌ردوو برایان نه‌خوش بوون، لی د قی هوزانی‌دا ده‌یته زانین دبیت پشستی کوهه‌ردوو برا پی‌کها‌تب‌ن ئەف هوزانه قه‌هاندبیت؛ چونکه ژ باب‌ه‌تی هوزانی دیاره کو که‌یف‌خوه‌شی پی‌قه دیاره و داخو‌ازا پاراستنا برایی خوه و ب سهرکه‌فتنا وی ژ خودی دخوازیت، لی د دیره‌کی‌دا گله‌یی، دک‌ه‌ت کو ئەو بو ئاهه‌نگا دانانا مورادخانی بو سهر تهختی نه‌هاتیه قه‌خواندن! و ئەف هوزانه ژ ی ب زمان‌ی فارسی قه‌هاندبیه:

مژده باد ای دل که دیگر نوبت عشرت رسید

غنچه اقبال و دولت د عمادی بشکفید

یعنی نجل پادشاه کامران سلطان مراد

پرور دین محمد صاحب بخت سعید...

آیت (قالله خیر حافظاً) حرز‌ش بود

رایت (نصر من الله) پیش او باد برید

چونکه عمری شد غریبی من دعاگویم مدام

شرط نبود از وفاداری فراموشم کنید

(دوسکی، ۲۰۱۹، ل ۱۴۸).

مزگینی بو ته ئەی دل کو ئیدی نوبه‌تا خوه‌شیان هات و پشکو‌ژا ئیقبالی و دمو‌له‌تی ل ئامیدی بشکفت، ئانکو سولتان موراد کورئ مه‌زنئ پاشایی کامیران، په‌یرموی دینئ محه‌مه‌دی و خودانی به‌ختی شاد... ئایه‌تا (قالله خیر حافظاً) وی بپاریزیت و ئالایی (نصر من الله) ل ده‌ف وی وه‌کو نامه‌به‌ره‌کی بیت، ئەی غه‌ریبی ئەقه ته‌مه‌نه‌کی ئەز به‌ردموام دو‌عیان دک‌ه‌م، مانه مه‌رجه کو ژ وه‌فاداری هه‌وه ئەز ژیر نه‌ک‌ربام!

۲- میر ئیسماعیل پاشا کورئ میر محه‌مه‌د ته‌ییار پاشا:

ئەف میره دناقه‌را سالی ۱۸۲۲-۱۸۳۲ میراتی ل که‌لا ئاکورئ دکر، ل سالا ۱۸۳۶ ئیسماعیل پاشای میراتیا میرگه‌ها به‌ه‌دینان و مرگرتیه و هه‌تا سالا ۱۸۴۲ به‌ردموام بوو، ئانکو ئەو دووماهیک میرئ به‌ه‌دینانه، پشستی که‌فتنا میرگه‌هئ ژ ئەو چه‌ندین پوست د دمو‌له‌تا عوسمانیدا و مرگرتبوون، دناقه‌را سالی ۱۸۵۱-۱۸۵۲ و بو ماوه‌یی ساله‌کی ببوو والیی شه‌هرمزورئ پاشی قه‌گه‌ریا به‌غدایی و ل سالا ۱۸۶۳ هه‌ر بو ماوه‌یی ساله‌کی ببوو قایمه‌قامئ باژیرئ مووسل و ل ۱۸۶۹-۱۸۷۰ ببوو موته‌سه‌رپئ (پاریزگه‌رئ) که‌ریه‌لا. (ریکانی، ۲۰۲۲، ل ۱۱۷-۱۲۰)

سه‌بارمت رۆئی وی وه‌کو هوزانقان و نفیسه‌ر، ئیسماعیل ئیک ژ وان میران بوو کو گه‌له‌ک گرنگی ب نفیسنیا ئەده‌بیات و هوزانی دایه و به‌لگه ژ ی بو قی چه‌ندی ئەوی دانه‌یه‌ک ژ دیوانا مه‌لایی جزیری ب ده‌ستی خوه نفیسیه، هه‌روه‌سا ئەوی هوزانی چه‌ندین

هوزاننانین کلاسیک یپن کورد و فارس و تورکان ب دهسته‌ته‌کئ جوان نفیسیه، وه‌کو دیوانا فوزوولی و مهولانا ب زمانئ تورکی و حافظئ شیرازی و جامی و سهدیئ شیرازی ب فارسی و هوزانین لاغهری ب زمانئ کوردی. لئ نه‌وی هه‌ولا نفیسینا هوزانئ نه‌دایه و بتنئ هه‌تا نوکه ئیک هوزانا وی ب زمانئ فارسی هاتیه دیتن و ب گوتنا (من کلام اسماعیل العباسی) نامازه دایه کو ئەف هوزانه ژ فه‌هاندنا وی ب خومیه. و ددئرا دووماهیا وئدا هاتیه:

گفتم اش سمع کن این پند مشو با افسون

هرچه داری شه من دارد و تاج اش افزون

(اسماعیل پاشا، دستنویس، ۱۲۶۰م‌ش).

دوو: رولئ میرپن میرگه‌ها هه‌کاری د ئەدهبیاتا کلاسیکیا کرمانجیا سه‌ریدا:

ب گشتی دناف دیروکا ئەدهبیاتا کلاسیکیا کوردیدا، نه‌خاسمه ئەدهبیاتا کرمانجییا سه‌ریدا، قوناغه‌ک ژ ئەفی ئەدهبیاتی دناف باوده‌شا میرگه‌ها هه‌کاریدا په‌یدا بوویه، له‌ورا دئ بینین کو هژماره‌ک ژ میرپن هه‌کاری، ژبلی میراتی و دهسته‌لاتا سیاسی گرنگی ب زانست و زانین ب تاییه‌تی د بیافئ ئەدهبیات و نفیسین و هوزانئ دایه، هه‌تا کو هنده‌ک ژ وان دیوانه‌کا ته‌مام یا هوزانئ هه‌یه و هنده‌ک ژوان چه‌ندین پارچه‌یئ هوزانین وان هاتینه دیتن، لئ ژیه‌ر کاودان و بارودوخین نه‌خوش و ناله‌بار یپن کوردستانئ به‌ره‌مه‌ئ وان به‌رزه بوویه، له‌ورا دقئ فه‌کولینیدا دئ هه‌ول دهین ئەف قولاجکا تارییا دناف ئەدهبیاتا کرمانجییا سه‌ریدا روون بکه‌ین ب دیارکرنا رۆلئ میرپن هه‌کاری ده‌هاندنا هوزانیدا و بابته و ناقه‌رۆکین هوزانین وان دیار بکه‌ین.

کومه‌کا مه‌زن ژ میرپن میرگه‌ها هه‌کاری گرنگی و پویته‌یه‌کا مه‌زن ب زانست و زانین ب گشتی و ئەدهبیاتی ب تاییه‌تی داینه، و هنده‌ک ژ وان دهسته‌کئ باش د نفیسینا هوزانیدا هه‌بوو، هه‌ر ئیک ژ وان ل دویف زانیاریین به‌رده‌ست و به‌ره‌مه‌ئ وان ئەوئین به‌رده‌ست دئ نامازه ب رۆلئ وان ده‌ین.

۱- **میر عمادهددین هه‌کاری:** ئیک ژ وان میرپن هوزانخانه کو بو ماومیه‌کئ دناف میرگه‌ها هه‌کاریدا حوکم کریه، نافئ وی عمادهددین کوپئ یه‌حیا به‌گ کوپئ زه‌که‌ریا خان به‌گییه، دناقه‌را سالتین ۱۶۳۴-۱۶۳۹ حوکم کریه. (گولی، ۲۰۱۷، ص ۷۵-۷۶)، و هه‌روه‌ک میرزا محمه‌دئ یازچی دیژنیت ئەو "میره‌کئ خودان شیان د میرگه‌هه‌که به‌یژدا بوو" (یازچی، ۲۰۱۲، ۶۷). ده‌مئ بابئ میر عمادهددین مری هیشتا ئەو و براییین وی زاروک بوون، و هه‌روه‌ک د ژیدمراندا هاتی مام و که‌سوکارین وی سته‌مه‌کا مه‌زن لی‌کرن و ئەو بو ماومیه‌کئ دیرژ دناقه‌را ده‌ولتا عوسمانی و سه‌فه‌وی و میرگه‌هین کوردیدا ده‌یه‌در بوو، لئ ل سالا ۱۶۳۳ شیا بازئری جولمه‌میرگئ کو پایته‌ختئ میرگه‌هئ بوو بستینیت و خوه وه‌ک میر راگه‌هاند. (یازچی، ۱۴۰۱ه‌ش، ۲۱، ص ۷۰۴-۷۲۱).

ئەف میرئ ھوزانقان ھەقچاخئ مەلایئ جزیری بوو، دیارە پەییوھندییەکا ھەقالینی یا بەیژ دناقبەرە واندا ھەبوو، بەلگە ژئ ئەو دانوستاندنا ھوزانکییە ئەوا دناقبەرە ھەردووواندا کو ددیوانا مەلایئ جزیریدا دەیتە دیتن. ئەف دانوستاندنا ھوزانکی دەیتە ھژمارتن وەك ئیکەم دانوستاندنا ھوزانکی د ئەدمبیاتا کوردیدا دناقبەرە مەلایئ جزیری و میرەكئ ھوزانقاندا ھاتیە ئەنجامدان، ئەفی میری شیایە ددارشتن و قەھاندنا ئەفی ھوزانئ وەسا بەیژ دارئیت، کو ئاستئ ھوزانا خوە بگەھینیئە ئاستئ ھوزانا مەلایئ جزیری. ددەستپئکا ھوزانئیدا جزیری ب سلاققەکا گەرم دەستپئدکەت و پەسنا میری عیمادەددینی دکەت و وی ھیژای ھەمی ناسناقئ بەرز و بلند دبینیت:

سەلاما من ئەناخوانی	سەحەرگەھ گەوھەر ئەفشان بت
ب خدمەت عەرض سولتانی	عەبیر و عەنبەر ئەفشان بت
ب سوورەت ئەمرئ سولطانی	سەرئەلقابئ زەرئەفشان بت

(جزیری، ۲۰۲۲، ۳۱۱)

میر بەرسقا وی ب سلاققەکا پری بئەنین خومش و گولاقان ددەت کو دلئ مروقان پئ خومش بیت، ل قئیرئ دیار دبیت کو میر عەمادەددین ب دیتنا جزیری کەیفخومش بوویە:

سەلاما سانعی قادر	مەلا دا پئ موعەططەر بی
موفەررەح بت مە لئ خاطر	پەیاپە ی لئ موکەررە بی
ژجاما خاطرئ عاطر	مە ژئ ئایینە ئەنومر بی

(جزیری، ۲۰۲۲، ۳۱۱)

دقئ دانوستاندنا ھوزانکیدا وەسف و پەسنەکا مەزن دناقبەرە ھەردوو ھوزانقاندا ھاتیە ئالوگور کرن، دەمئ میر پەسنا جزیری دکەت دبئیت ئەی مەلا تو د ھەرئما ئاخفتن و زمانیدا وەکو شاھانی و خودان شیان و دەستەلاتداری، گیان و روحی ددەیە پەیشان و ب رامانان زیندی دکە، ژ ھوزانئین تە شەکر دبارن، سالوخەت و سیفەتئ جوانی و جادوگەرییئ ددەیە پەیقئین خوە، و وەکو گەوھەرئ ب نرخ و بەھا دروست دکە:

د ئیقلمئ سوخەن خاقان	رەوان بەخش و شەکەر ریزی
ژنەیشەکەر ل ئەوراقان	ب جانرا عەنبەر ئامیزی
ژسیمین ساعد و ساقان	ب سەحکاری گەوھەر ریزی

(جزیری، ۲۰۲۲، ۳۱۸)

ب قئ رەنگی میری داخباریا خوە بو جزیری دیار کریە، د راستیدا جزیری ژئ پەسن و مەدحا ھوزانا وی دکەت دەما دبئیت تو دچیە د کووراتیا دەریایا رامان و زانیاندا و دوپ و گەوھەرەن ژئ دمرئیخی و د چیکرن و قەھاندنا ھوزانئیدا تو یئ ھویریینی، شارمزیایا تە د ھوزانئیدا ھندە زور کو تو دچاف نقاندنەکیدا دکاری سەد ھوزانان بئەھینی، د قئ گوتئیدا دیار دبیت کو میر عەمادەددینی دەستەلەکا مەزن د قەھاندنا ھوزانئیدا ھەبوویە

و هوزانا وی تا وی رادهی بهیز بوویه کو جزیری پی داخبار بیت، بی گومان نهف گوتنا
جزیری راسته؛ چونکه بهرسفدانا میری ب رهنګه کی ټیکسهر و ب شیوید هوزانه کا
ریکخستی و بهیز رامانا شارهزاییا مهزنا میر عمادمددنی د هوزانیدا ددهت:

ب غهواوصی ب سهحاری ته دور ټانین ژ بهحریدنی
ژ شهرا ته شهکهر باری ژ مصری تا ب غهزنی
ب دیکههتیین سهد نهشعاری د بیژنی (طرفه العین) ل

(جزیری، ۲۰۲۲، ۳۱۸)

دداویا نهف دانونستادنیدا میر عیمادمددنی ب ناشکهراپی ټامازه ب داخباریوونا
خوه ب جزیری دایه و نهو وهک ماموستایی خوه دایه نیاسین:

دباغی لهفظ و مهعنای سوخن من سهروئ ټازاده
ژ حق ټیملا و ټینشای مه لهوحن دل نوما ساده
ژ حوسنی رمونهقهک دای کو شیخ نهحمهد مه ټوستاده

(جزیری، ۲۰۲۲، ۳۱۸)

ههروسا جزیری ب جوانترین پهیف بهحسا میری کریه و ب سهر ههمی میر و
بهگلهر و ناغایان دانایه، پشتی ناغنینانا میری دبیژیت کو نهو شانازیی دبهت کو
خزمهتکاری میر عمادمددینییه:

دبهحرا قولزوما میران ب غهواوصی گوههر چینم
د بهحنا شهر و تهفسیران تو دهریایان وهنابینم
ژ میر و بهگلهر و چیران غولامی میر عمادینم

(جزیری، ۲۰۲۲، ۳۱۸)

د ژیدمراندا هاتیه، کو میر عمادمددین د حوکم خودا کهسهکی توند و دلرهق
بوو و دلوقانی ب ههقرکین خوه نهدير، "د سهري وی دا مهزنی و غروورهک ههبوو کو جاران
ناهیته سالوخذان...وی دهستخ خوه دانا سهترهختی و موکوم گرت و خهک ب هیزا شویر
قههرا خوه چهماند، د زانین و دادی و حوکم و سیاسهتیدا نهو گههشتبوو کهمالن، ژ ترسا
بهرجاا سیاسهتا وی میرین رهخ ودوران بندهستی وی بیوون، نهوی باومری ب کهسهکی دی
ژیلی خوه نهبوو.." (یازجی، ۲۰۱۲، ل ۶۸).

سهرمړای نهف چهندی میر عمادمددینی ههستهکی نازک د قههاندنا هوزانیدا ههبوو،
لی ههتا نوکه بتنی شهن هوزانین وی هاتینه دیتن کو چوار ژبی ب زمانن کوردینه و دوو ب
زمانن فارسی هاتینه دانان. میر عمادمددینی د هوزانین خودا ناسناق (صهبووری) بکاردهینا
(مزووری، ۲۰۱۲، ل ۶۲) کو رامانا کیشانا ههدارن ل سهر نهخوهشیان ددهت، و دبیت ههلیزارتنا
نهفی ناسناق؛ ژهر وی زولمن بیت نهو وی د زاروکی و گهنجاتیا خودا ژلای کهسوکار و
میرین دمردورین خوه دیتی، ههروسا ژ هوزانهکا وی دیار دبیت کو نهوی گهلهک خهم و

کوفان دیتینه و دلّی وی ژ ئیش و زانان بریندار بوویه، هەردەم گازندە ژ بەدبەختیا خوە کرێه، لئ ئەو ل سەر وان خەم و کەسەران یی بپهنفره بوو، لەوێ ئەوی ناسناقی (صەبووری) بو هوزانیڤن خوە هەلبژارتیه:

دلّی مەجرووحی من پێ ژانە دیسا
تژی دەرە و غەم و کوفانە دیسا
نەشیم دەرمان بکەم دەرەئ دلّی خو
هەکیمان بینه سەر لوقمانە عیسا
هەچی دی صوورمنا دلدار و دلپەر
بیە هەیران د چار و کەفتە لیسا
بەلّی من زانیە بەدبەختیا خو
چرایّ من هەتا صوبحی نەئیسا
لوطفا تە عەجەب مامە صەبووری
نەگو حالت چییە دەفتەر نفیسا

(دوسکی، ۲۰۱۹، ل ۳۶).

ئێک ژ هوزانیڤن وی هوزانەکا مەلایّ جزیری د چوارچووڤی پینچ خشتەکیدارشتیه و ئەڤە ئامۆزیەکا دییه، کو ئەو ب قی هوزانقانی مەزن داخوار بوویه. و د پارچەیا دووماهیّ ژ پینچ خشتەکییا خوەدا دبێژیت:

پێ د عشقیدا مەحوویین مە نەمان ئەسل و رههك
وهکی تە مەست و خوماری كئ دییه خان و شهههك
لەو صەبووری ژ سەرو قامە نە هشیارە گهههك
ژئەزل ئەح ب مەلّی دایە ژ عشقی قەدەحهك
تا ئەبەد مەست و خەرابین ژ مەیا وئ قەدەههك

(دوسکی، ۲۰۱۹، ل ۳۴)

ژلایهكی دیکه، ئەوی دوو هوزانیڤن دی ب زمانێ فارسی قەهانیدینه، ئەڤە عەدەتەكی هوزانقانیڤن کورد بوو کو شارەزاییهکا مەزن د زمانێ فارسیدا هەبوون و هەول ددان کو هوزانان ب قی زمانی ژێ بڤههینن. د هوزانەکا خوەدا دبێژیت:

ای بمثل روی تو همچو مه بر فلک
مدح لب لعل تو ورد زبانئ مەلەك..
پیش تو جان باختن لی مرا کار لیک
عشق تو بر کبش کرده زهم باز فک
ملك صبوری شود مقتل درگاه تو

نذر تو خواهد کند جا هزاران چه پک

(دوسکی، ۲۰۱۹، ل ۳۷)

ههروهسا میر عیمادددینی گرنگیهکا مهزن ب زمانئ کوردی ددا و هندهک ژیدمر دبیزن کو ئهو هندهک جارن فهزمانئ خو به زمانئ کوردی دنقیسین، ئهقه راما نا وئ چهندییه کو وی زمانئ کوردی وهک زمانئ دهستههلات و کارگیړئ ژئ بکار هینايه. (یازجی، ۱۴۰۱، ج ۲، ص ۱۱۷۸).

قوناغهکا گرنګ ژ ژيانا میر عیمادددینی ههکاری ل سالا ۱۶۳۵ دهستیډدکته، دهمئ سولتانی عوسمانی مورادئ چوارئ (۱۶۲۲-۱۶۳۹) بریار دای هیرشهکا مهزن بیهته سهر دولتهتا سهفهوی، نامهیهک بو میر عیمادددینی هنارت و فهزمان لیکر کو دگهل وی پشکدار بیت، لی میری داخوازییا وی رمدکر و "ب شیوهیهک زفر بهرسفا وی دا"، لهورا سولتانی بریاردا ل سالا ۱۶۳۸ لهشکهړهک هنارته سهر ههکاری و دشهریدا میر عیمادددین شکسته و بهرهف حلهیهقه چوو، لی ل وئړئ هاته دهستهسهرکرن و بو باژیرئ نیستانبولئ هاته هنارتن و بو دهمئ هفت سالان د زیندانئیدا ما(گولی، ۲۰۱۷، ل ۱۶۶-۱۶۹؛ کاپلان، ۲۰۲۲، ل ۱۷).

دناف ئیک ژ هوزانئ ویدا ئاماژه ب ژيانا وی یا زیندانئ هاتیه کرن و سهروهر و رموشا خو به دموونی دیار دکته کو د خهم و هسرمهت و نالینئیدا ژیايه، ههروهسا دقئ هوزانئیدا سیمایئ (هوزانا زیندانئ) پیته دیاره؛ چونکه سن جارن پهیقا زیندان و دوو جارن پهیقا (ههس) بکار ئینايه، ههروهسا پهیقئ (قهید)، (چال) بکار ئیناينه و ئهقه ژئ پهیق و دهرپینن گریډای ب زیندانئنه، و ههروهک ئهو ب خو بهیزیت کو ئهو بو ماوهیهک دریژ دزیندانئیدا مایه و کهفتیه "دناف ژهرا خهماندا".

گهلهک شوبههتی مارووتئ ب دوم ماییم دزندانئ

دزندانئ ب دوم ماییم ددهف مارئ غهمان داییم.

د دووماهیا هوزانئیدا پتر تهکهزئ ل سهر زیندانئیبوونا خو به دکته و ناسنافئ خو به دهینیت و دبیزیت کو سهبووری د ههسئیدا مایه:

کهمان کیشا کهمانداران

دبارن تیر وهکی باران

ل قهبرئ مه برینداران

دوئ ههسئ و کوفانئ

سهبووری ما د ههسئیدا

ب دووم ماییم د قهیدئیدا

وهکی دنیرئ دچالئیدا

دهرینه وی ژ زیندانی.

(دوسکی، ۲۰۱۹، ۳۴-۳۵)

ل قيرئ ديار دبیت، کو میر عیما دددین میره کئ هوزانقان و رموشه نبیر بوویه، ژبلی کو میرگه ها هه کارى ل سهرده مئ ویدا د رموشه کا بهیزدا بوو، دبیاقئ ئه دهب و قه هاندنا هوزانیدا ژى دهسته کئ بالا یئ نفیسیئن هه بوویه، و دقئ بیاقیدا دکارین ئاماژه ب قه هینووکا دیروکا هه کارى بدهین کو ب فه رمانا وی ل سهر دهستئ کاتبئ وی (تومه رخانئ یازجی) هاتیه نفیسیئن، و ئه ف به ره مه هه می ب شیوه ئ هوزان و ب زمانئ فارسى هاتیه نفیسیئن کو ژ نیزیکی ۱۰۰۰ دیران پیکده یئت. (یازجی، ۱۴۰۱، ۱، ل ۱۷).

۲- **مسته فا خان به گئ هه کارى**: په رتوویئ هه کارى هوزانقانه کئ به رنیاسه لئ کیم جاران وه کو میر ل میرگه هه کئ هاتیه دنیا سین، روله کئ مه زن دمیرگه ها هه کارى دا هه بوویه، لئ دگه ل هندئ ژى بیاقه کئ مه زن ژ ژيانا خوه بو زانین و ئه ده بیاتئ ته رخانکریه، له ورا دئ ل قيرئ گریدانه کئ دناقه را ژيانا وی سیاسى و ئه ده بی دروست کهین، ئایا وه کو میر چ رول دنا ف نفیسیئن و قه هاندنا هوزانیدا هه بوویه؟ ئایا سه رپورا وی یا هوزانئ دمیائى حوکمرانیا ویدا ب چ رمنگ بوویه؟ و بابته یئ هوزانین وی ژلایئ روخسار و نا فه روکئ هه ب چ شیوه بوویه؟

مسته فا به گ کوړئ عه بدوللا ه خان کوړئ ئیبراهیم خان کوړئ محمه د به گئ هه کارییه، ئه وی بو ماوه یه کئ درئژ ئانکو پتر ژ ۵؛ سالان حوکم کریه. (گولی، ۲۰۱۷۸۱-۸۲)، سه بارت میژوویا ژدایکبوونا وی هه تا نوکه د چ ژیدمراندا ئاماژه پئ نه هاتیه دان، لئ ماموستا ته حسین دوسکی گومانئ دبه ت کو وی ددیره کا هوزانا خومدا ئاماژه ب دیروکا بوونا خوه کریه. په رتو دبیزیت:

په رتووی رهملا ته قه نجه دا نه کی شه کو خه طان

یازده و هفتئ سه عادت دانیه له حانئ فه رح (دوسکی، ۲۰۱۷، ۲۱)

دقئ هوزانیدا په رتو به گ دبیزیت کو: ئه وی په رتو به ختئ ته یئ باشه و چ گازنده یان ژ خه له تیئ خوه نه که. له ورا ئاوازیئ کیه یئ یازده و هفتئ خوشه بختی داینه ته. و ل دو یف دیتنا ماموستایئ نا فه رى یازده و هفتئ ئاماژه نه بو سال ۱۱۷۰ و دبیت ئه قه سال ژدایکبوونا په رتووی هه کارى بیت، و ئه ف ساله دکه فیه هه مبه ر سال ۱۱۷۰-۱۱۷۵ز. و ده مئ بزانیئ کو ئه وی ل سال ۱۷۸۳ ده ست ب میراتیئ کرى هینگئ ئه و سال ماموستای گوتی دئ به رعاقل بیت. و ئه گه ر دیروکا ژدایکبوونا وی راست بیت هینگئ ئه وی د ته مه نئ ۲۵-۲۶ سالیدا حوکم ل میرگه ها خوه و مرگرتیه.

ژیدمرئ سهره کیئ کو پشتر است کرى کو میر مسته فا به گ هوزانقان بوو و ناسناقئ وی (په رتو) بوو په رتووکا (مختصر احوال الامراء) ه کو ب ژلایئ میرزا محمه دئ

يازجی ب زمانئ فارسی هاتیه نقیسین، و ل سالا ۱۹۱۴ کسهکی ب ناڤئ محهمده تهیار کورئ محهمده تهیار کو دبیته نهقیئ نهقیئ پهرتوی هاتیه نقیسین. (يازجی، ۲۰۱۲، ص ۸۵)، ههروهسا زانا و سیاسه‌تمه‌دارئ مه‌زن عه‌بدولرحیم رحمیئ هه‌کاری ژئ د گوتاره‌کا خودا ل روژنامه‌یا کوردستان ل ۱۹۱۹ دیار کریه کو ل "میرگه‌ها هه‌کاری چه‌ندین زانا دمرکه‌فتینه و بووینه کانین زانینئ مینا: نه‌حمه‌دئ خانئ، مه‌لایئ باته‌یی، و مسته‌فا بگ یئ به‌رنیاس ب (په‌رتو) و گه‌له‌کین دی" (کوردستان، ۱۹۱۹، ل ۸؛ طاهر، ۲۰۱۹، ل ۵۰۱). و په‌رتو په‌یقه‌کا فارسییه ب رامانا (په‌ژنا تیروژکئ یان روناھیئ). (نامیدی، ۱۹۸۰، ل ۳۶۰). د دیرکا هوزانیدا دبیزیت:

په‌رتویی په‌رتویئ نار و شه‌پارا ئاته‌شئ عشق

ژ سه‌ری تا ب قه‌دم پیته‌ک مثلئ شه‌په‌رئ (دوسکی، ۲۰۱۷، ل ۲۵۷)

دبیت ئه‌ف ناسناقه ئامازه‌یه‌کا سوفیانه بیتن مه‌به‌ست ژئ قه‌په‌شینا په‌ژنا تیروژکین روناھیئ ژ ئاگرئ قیان وی بو ذاتئ خودایئ مه‌زن، هه‌روه‌کی ئه‌وی ددیرا سه‌ریدا گوتی کو ئه‌و ژ سه‌ری ه‌تا پیان د قی ئاگریدا سوتیه.

هه‌رچه‌ند ه کو پی‌زانین سه‌بارت هوزانقانی و سه‌ریورا وی یا ئه‌ده‌بیبی کیمن ژئ ئ پی‌زانین ده‌ریاره‌ی ژيانا وی وه‌کو میر و سیاسه‌تمه‌دار کیمن نین، پشتی مرنا بابئ وی ب چوار سالا ئه‌وی ل سالا ۱۷۸۳ حوکم ژ برایئ خوه که‌ریم خانئ و مرگرتیه. (يازجی، ۲۰۱۷، ل ۸۳)، هه‌روه‌سا ده‌یته زانین کو ل ده‌مئ وی ته‌ختئ میراتیئ و مرگرتی سه‌ریوهر و بارودوخئ وه‌لاتی دکاودانه‌کا خراب و پری ئاژاوه‌دا دبوری، له‌ورا ئه‌فه بو هوکا رکو ده‌مئ وی میراتی و مرگرتی وی دقیا ده‌سته‌ه‌لاتا خوه ب شیویه‌کئ به‌یز بو خه‌لکی بده‌ته دیارکر، هه‌رکه‌سه‌ک هزره‌کی بو ده‌سته‌ه‌لاتا وی بکه‌ت، "ژ عه‌قل و سیاسه‌تا وی موفسد و به‌ره‌نگارین وی بنه‌هر و گوهدار ببوون، دزانینا ناڤخویی و ده‌ره‌هی و (ظاهری) و (باطنی) ئه‌و خودان که‌مال بوو، که‌سه‌کی نه‌دویریا به‌رسقا وی بده‌ت، زانا و ده‌رویش هوگرین وی بوون". (يازجی، ۲۰۱۷، ل ۸۳).

سه‌ره‌پای قئ چه‌ندئ ل سالا ۱۸۲۲ په‌رتو تووشی یاخیبونه‌کئ ژلایئ کورئ خوه (محهمده نه‌سیرخانی) بوو و ب هاریکاریا هنده‌ک هوزین کوردان بابئ خوه ژ حوکمی لادا و ل گونده‌کی زیندان کر، ئ حوکمئ نه‌صیرخانی گه‌له‌ک نه‌قه‌کیشا و پشتی بورینا شه‌ش هه‌یقان مر، جاره‌کا دی په‌رتوی ده‌سته‌ه‌لاتا خوه قه‌گه‌پاند هه‌تا ئه‌وژی ل سالا ۱۸۲۵ مرئ. (گولی، ۲۰۱۷، ص ۱۰۲-۱۰۴).

د هوزانه‌کا خودا په‌رتو به‌حسئ ره‌وشا خوه دکه‌ت ده‌مئ کورئ وی دژی وی راهه‌ستیای، و دقئ هوزانیدا په‌رتو گله و گازنده‌یان ژ مروقین سه‌رده‌مئ خوه دکه‌ت، ژ هه‌بوونا بئ وه‌فاییئ دنالیت، و دبیزیت کو حه‌یف و مخابن ئه‌و دلئ وی یئ وه‌کی

گه‌نجینه‌یا هیڅ‌بیان لئ مخابن به‌ره‌ف بئ ئوم‌یدی و مرئ‌یقه برن. هه‌روه‌سا په‌رتو خوز‌ییان بو سه‌رده‌مئ گه‌نج‌یی د‌خ‌وا‌زیت کو د‌ه‌مئ هیشتا ل سه‌ر هیژا خو، و ئه‌قه رامانا وئ چه‌ندئ یه کو ئه‌وی ئه‌ف هوزانه د‌ده‌مئ پیری و بنا‌قس‌القه‌چوون‌یدا نفیسیه، و دبیت د ئه‌فئ هوزان‌یدا ئامازه ب یاخی‌بوونا کورئ خو، مح‌مه‌د نه‌سیر خانی کر‌بیت:

نه‌خلا بالا ته به‌رئ خو، بئ ته‌له‌ف بوو ح‌ه‌یف ح‌ه‌یف
سه‌روا نازک بوو، ژ نازان به‌ر‌طه‌ره‌ف بوو ح‌ه‌یف ح‌ه‌یف..

ئهو د‌لئ نازک ب سه‌د نه‌وعان مه‌کر‌بوو په‌روه‌رش
لئ ژبو تیرا نه‌ظه‌ریازان هه‌ده‌ف بوو ح‌ه‌یف ح‌ه‌یف
دل م سندووقه‌ک تزی گه‌وه‌ر ژ ئوم‌م‌یدان هه‌بوو
قی د‌ه‌می گه‌وه‌ر هه‌می مث‌لئ خه‌زه‌ف بوو ح‌ه‌یف ح‌ه‌یف..

مایه په‌رتو دن‌قا نه‌ح‌سییا وم‌قتئ پیریئ
نووجوانی چوو، زه‌مانه‌ک پر شه‌ره‌ف بوو ح‌ه‌یف ح‌ه‌یف

(دوس‌کی، ۲۰۱۷، ل ۱۶۹)

ژلایئ ئه‌ده‌بیقه، مسته‌فا به‌گی بتنئ ئیک دیوان هه‌یه کو ژ ۱۸۹ هوزانان پ‌یکه‌تیه، ۱۰ ژوان قه‌سیده‌نه و ۱۷۶ غه‌زه‌لن و ۲ چوارینن و غه‌زه‌ک ب زمانئ فارس‌یه، و ژلایئ سه‌روای‌یقه هوزان‌ین خو، ب هه‌ی پیت‌ین ئه‌لف‌اب‌ییا عه‌ره‌بی و کوردی قه‌هان‌دینه، بتنئ هه‌ردوو پیت‌ین (ذ، ظ) ب‌ین عه‌ره‌بی و پیتا (ژ) یا کوردی ب‌کار نه‌ئینایه. و ژلایئ ک‌یشئ قه به‌هرا پتر ژ ک‌یش‌ین عه‌روزا عه‌ره‌بی ب‌کار هی‌نایه " و له ئه‌ده‌بی کوردیدا که‌م شاعیر هه‌یه ۹ به‌ح‌ری عه‌روزی له شیعردا به‌کار هی‌ناب‌یت". (خه‌زه‌دار، ۲۰۰۲، ب ۲، ل ۴۱۲).

ژلایئ نا‌قه‌روک‌یقه پرانییا بابه‌ت‌ین هوزانا وی بابه‌ت‌ین ئایینی وم‌کو موناجات و نه‌عتا پ‌یغه‌مه‌ری و "ته‌گه‌ر شاعیرانی کورد بو پی‌روزی‌های سه‌ره‌تای دیوانه‌کانیان به یه‌ک دوو قه‌سیده‌ی مه‌د‌ح‌ی خودا و پ‌یغه‌مه‌ر رازاند‌ب‌یت‌ه‌وه، په‌رتو ن‌یزیکه‌ی سئ یه‌کی دیوانی بریتیه له قه‌سیده و پ‌ینج‌ین و چوارین، ئه‌مانه د‌م‌چنه ناو نم‌وونه‌ی شیع‌ری هه‌رجوانی که به زمانی کوردی ب‌یژراب‌ئ". (خه‌زه‌دار، ۲۰۰۲، ب ۲، ل ۴۱۲). له‌ورا ژ هوزان‌ین وی ده‌یته زان‌ین کو ئهو که‌سه‌کئ د‌ین‌دار بوویه و بئ ل سه‌ر زانست‌ین سوفی‌گه‌ریئ بئ ئاگه‌هدار بوویه، " ئهو ژ ژایانا زانستی و مه‌درسه‌یئ دوور نه‌بوویه و ئهو باش ئه‌گه‌هدار بوو ل سه‌ر زانست‌ین شه‌ری تش‌تی هندئ د‌گه‌ه‌ینیت کو دبیت ل سه‌ر ده‌ستئ زانا و مه‌لای‌ین سه‌رده‌مئ خو، هات‌ب‌یت‌ه په‌روه‌رده‌کرن، و ته‌ریقه‌تا نه‌قشه‌ب‌ندی ژئ ژ ش‌یخ‌ین وی سه‌رده‌می وم‌رگرت‌ب‌یت". (دوس‌کی، ۲۰۱۷، ل ۲۲). هه‌روه‌ک ئهو ب خو، ب ش‌یوه‌یه‌کئ ئاش‌کرا د هوزانه‌کا خودا دب‌یژتیت کو ئهو ژ په‌یروم‌وین ته‌ریقه‌تا نه‌قشه‌ب‌ندییه:

په‌رتوا ح‌ینا ته گرت دامانئ پیریئ نه‌قشه‌ب‌ه‌ند

هاته گوشي دل ژ غه ييې (أفرح) وه (لا تخف).

(دوسكى، ۲۰۱۷، ل ۱۶۸).

ب قى رهنكى ديار دبیت كو په رتو هم مير و هوزانقان و هم زانايه كئ شهريعه تى و سوفى بوويه.

د بابله تين موناجات و نه عتيډا په رتوى هوزانين بهيرقه هاندينه، كو د پارچه قه سیدهیه كا خومدا ب ناقى خودايى مه زن ده ستپدكه ت و شيان و هيزا وى دده ته ديار كرن، و جوانى و دلوقانيا خودايى مه زن ديار دكه ت كو نه بتنى دايه مروقان به لكو دايه هه موو چيكرين خوه ل سهر روويى ئه ردی، و ئه ف جوانكاريا داهيتانئ ئه وا دقئ گهردونيدا هه يه ژ جوانيا سيما و سيفاتئ خودايى مه زنه:

سهرنامه يي فته تحئ تين موناجات

چيكر مه ژبو قه ضاين حاجات

ديباحه ب ناقى ئسمئ ئه للاه

داني مه ژبو رجائئ دلخواه..

ئهى خالقئ ئه رض و ئاسمانان

ئهى راحمئ پير و نه وجوانان..

ئهى رازقئ موئمنان و كافر

حوسنا ته د جومله يان باهر

گهر ئينس و ئه جننه و نه باتات

زير روح و طويوور و با جه مادات

يه كسهر هه مى مه ظه رئ سيفاتن

مرئائئ سيفاتئ پاكي ذاتن

(دوسكى، ۲۰۱۷، ل ۵۹).

ههر د غه زه له كا دى يا موناجاتيدا دبئزيت، كو مير و پاشامه و ژ هه مى مولك و مائى دونيايى بيئنه تم لئ ئه گهر رحم و دلوقانيا خودايى مه زن هه بيت بو من ب هه مى پاره و مائى دونيايى دئينيت:

په رتوى ژ مير و پاشان يه ك قورش نينه مننه ت

حينا هه بت ژ جانان يه ك ذمره يه ك عينا يه ت (دوسكى، ۲۰۱۷، ل ۱۰).

ئيك ژ تاييه تمه ندين دى يئ هوزانا په رتوى كاريگه ريا وييه ب مه لايئ جزيرى، تا راديه يه كئ كو تاما شيعرا جزيرى ل سهر ديوانا وى زاله، ئه وى هوزانين خوه ل سهر دهر يايين مه لايئ جزيرى قه هاندينه و په يف و گوتن و بيژميين وى ژ بو سه نكي بكار ئينايينه، و گه لك جارن هوزانين خوه ل سهر سه روايا مه لايئ جزيرى قه هاندييه. (ئاميدى، ۱۹۸۰، ل ۳۶۳)،

بو نموننه پهرتوی د هوزانهکا ب چارچووڅی (موسه مهط) و ب کیشا ردهزا هشت تهفعلیهیا (مستفعلن، مستفعلن، مستفعلن) فهانديه کو ژلایځ روخساری و نافهروکڅه ب تهمامی چاف ل مهلایځ جزیری کریه:

ټاهځ ژ دمردي دل نهکت، هر چی نهدي ټازاري چهرخ
دبريځ ل نيڅا دل ددهت، لامع سيفهت نووباري چهرخ

(جزیری، ۲۰۲۰، ل ۹۶)

پهړتوو ژي هر ل سهر ريچکا جزیری دبیژیت:

سهده ټاه و سهده فرياده من ټيرو ژ څي مهککاره چهرخ
ټهو حيله سازا پيرمهڼ ټهو ماکرا سهحاره چهرخ

(دوسکی، ۲۰۱۷، ل ۱۲۱).

د نموننهیهکا دیدا جزیری دبیژیت:

ټهووهل کو یاري دا مه يهک دهرپهيهک عينايت
قسمهت مه خهمر و جامه ددهفتهرا هيديايت
حوسن و جهمالځ جانان نا ديترن تو پايان
هر چی نهبت بيديايت ټهسلهڼ نههن نيهاييت

(جزیری، ۲۰۲۰، ل ۷۵)

د بهرامبر دا پهړتوويځ ههکاری ب هه مان روخسار و نافهروکڅه دبیژیت:

ټيروکه عشق دلبر د دل کر وهکر سرايت
سيسهده زه بان گويا نهشيڼ بکن ريوايت
حوسن و جهمالځ جانان حوب و ټهقينا من
ههر دوو د بي زموان ټهوان نههن نيهاييت.

(دوسکی، ۲۰۱۷، ل ۱۰۸)

ژقيرځ ديار دبیت، کو ژيدمرو ټيلهاما پهړتويځ ههکاری دداريتنا هوزانيدا هم ژلایځ روخسار و هم ژلایځ نافهروکڅه مهلایځ جزیری بوويه، ب څي رهنګي دندهديات کرمانجيا سهريدا پهړتويځ ههکاری وهکو ميرهکځ هوزانځان دچيته دقوناغا چاقلځکرنيدا کو ب پلا ټيکځ يځ کارېگهريبوويه ب مهلای جزیری.

۳- مير محمدهد بهگځ کوږځ (محي السنه) بهگځ ههکاری: ټهو ژ ټيک ژ ميرځن هوزانځانه و ناسناقځ وي (علائي)يه، ټيک ټامازه ب هوزانځانبوونا وي د پهړتووکا (مختصر احوال الامراء) دا هاتيه، پيزانين سهبارت مير محمدهد بهگځ زور کيڼم ټي ژ ژيدمران دهيتنه زانين کو ټهو ل سالا ۱۸۱۷ مير بوو. (يازجي، ۲۰۱۲، ص ۷۱). ههتا نوکه چ بهرههميڼ وي نههاتينه ديتن ژبلي هوزانهکځ ب زمانځ فارسي کو دداوييا ويځا ټامازه ب ناسناقځ خوه دايه:

بظاهر چون (علائی) دور شد از سرو رعنائی
پریشان گفت و گو چون بید مجنونست پنداری

(رئیکانی، ۱۴۰۱، ۱۹۷)

(هه‌رچه‌نده علائی ب سه‌رفه ژ سه‌روا جوان دووره ئی د دانوستاندنی داد ئ هزر
که‌ی ئه‌و وه‌کو بییه‌کا په‌ریشانه‌)

۴- **میر عه‌بدوللاه خان به‌گ**، ئه‌و کورئ ئیبراهیم به‌گ کورئ محهمه‌د به‌گییه، و بابئ په‌رتویئ و نه‌قیئ علائی هه‌کارییه، ل سالا ۱۷۸۰ مریه. (گولی، ۲۰۱۷، ل ۸۱)، سه‌رمپای کو ماوه‌یه‌کئ میراتی ل هه‌کاریان کریه ئ پیزانین ل سه‌ر ژيانا وی یا که‌سایه‌تی و سیاسی زور دکئمن، ئیکه‌م ژیدمر کو به‌حسئ وی کریت په‌رتووکا (مختصر أحوال الامراء) له‌ کو دبئژیت: "ئو مروقه‌ه‌کئ عارف و دلپاک و خودیناس بوویه له‌وړا ناسناقئ وی یئ شعری (عارف) بوو". (یازجی، ۲۰۱۲، ل ۷۸). ئیک ژ وان میرین هه‌کاری بوو یین گرنکی ب ئه‌ده‌ب و هوزانئ دایه ئ مخابن ته‌نها هوزانه‌کا وی ب زمانئ فارسی هاتیه دیتن و د سه‌ریدا نقیسیه (من کلام عارف عباسی)، و د دیرا دووماهییدا دبئژیت:

حال (عارف) ز خیالات بناگوش چو گل

امشب ای بزم حریفان چو خیال دهنست

(رئیکانی، ۲۰۲۰، ل ۹).

۵- **عه‌بدوللاه به‌گئ هه‌کاری**: کورئ په‌رتویئ هه‌کارییه، و ناسناقئ وی یئ هوزانئ (مه‌ستی) بوو (یازجی، ۲۰۱۷، ل ۸۳)، گورئ وی ل باژیرئ جوله‌میرگییه و ل سه‌ر کیلیا وی هاتیه نقیسین: "هذه روضة المرحوم السلطان.. عبدالله خان ابن مصطفى خان بك العباسی.. سنة ۱۲۳۲هـ". (گولی، ۲۰۱۷، ص ۲۹۶)، ئانکو (ئه‌فه میرگا رحمه‌تی سولتان عه‌بدوللاه کورئ مسته‌فا خان به‌گئ عه‌باسییه.. سالا ۱۸۱۶ز). محهمه‌د ته‌ییار دبئژیت کو ئه‌و جیگرئ بابئ خوه بوو و حوکم ل باژیرکئ ئه‌لباکئ دکر، ئی ئه‌و هیشتا بابئ وی ساخ مریوو و کورده‌کئ بچووک ل دویف خوه هیلایه ب ناقئ نووروللاه به‌گ. (گولی، ۲۰۱۷، ص ۸۳). هه‌رچه‌نده عه‌بدوللاه به‌گ هوزانقان بوو و "د زانین و سیاسه‌تیدا خودان که‌مال بوو". (یازجی، ۲۰۱۲، ل ۸۳) ئی هتا نوکه چ به‌ره‌مه‌ه‌کئ وی نه‌هاتیه دیتن.

۶- **میر شه‌ره‌فخان**: ژیدمرئ ئیکانه به‌حسئ فی میری کری مه‌لا مه‌حموودئ بایه‌زیدییه کو د په‌رتووکا (جامعئ رساله و حیکایه‌تاندا) دبئژیت، کو شه‌ره‌فخان "ئیک ژ میرین هه‌کاریانه و ژ دوونده‌ها عه‌باسییه" (بایه‌زیدی، ۱۲۷۷مش، ل ۱۶)، ل سالا ۱۶۹۰ هاتیه دونیایی و ل سالا ۱۷۴۸ ل جوله‌میرگئ مریه، و بایه‌زیدی دبئژیت کو وی گه‌له‌ک هوزان ب زمانین کوردی و فارسی

هه‌نه. (بایه‌زیدی، ۱۲۷۷م‌ش، ل ۱۶)، لئ ئه‌وی ئاماژه ب ه‌یج ژوان نه‌دایه و تا نوکه ژێ چ به‌ره‌مه‌یین وی نه‌هاتینه دیتن.

ژئه‌قا بوری دیار بوو، کو پتیریا ریژمیا میرین هوزانقان ل میرگه‌ها هه‌کاریدا ل سه‌ده‌یی ۱۸ و ۱۹ په‌یدا بووینه، نه‌خاسمه سه‌رده‌می مسته‌فا خان به‌گی کو باپیر و باب و کوپړی وی ئیک ل دویف ئیک میر و هوزانقان بوون.

ئه‌نجام:

۱- ب گشتی ئه‌ده‌بیاتا کلاسیکیا کرمانجیا سه‌ری د هه‌مبیزا میرگه‌ه و دوه‌له‌تین کوردیدا د بزاقه‌کا ئه‌ده‌بی و ره‌وشه‌نبیریا خورتدا بوویه، چه‌ندین هوزانقانی مه‌زن ژێ دمرکه‌فتینه و هژماره‌کا وان میرین خودان ده‌سته‌لات بوون کو حوکم ل میرگه‌هین کوردی کرینه.

۲- میرین هوزانقان روله‌کی مه‌زن د به‌لاقکرنا زانین وزانستیدا هه‌بوو، تاییه‌ت د بیاقی نقیسینا هوزانیدا ده‌سته‌کی باش یی نقیسینی هه‌بوون و هوزان ب زمانێ کوردی و هنده‌ک ژێ ب زمانێ فارسی نقیسینه.

۳- دقێ قه‌کولینیدا دیار بوو، کو هنده‌ک ژ میرین هوزانقان دیوانین ته‌مام یین هوزانی هه‌بوون مینا: په‌رتویی هه‌کاری و محه‌مه‌د ته‌ییار پاشایی به‌ه‌دینانی، و هنده‌ک ژێ چه‌ند پارچه‌یین هوزانان هه‌بوو، و هنده‌کین دی بتنێ ناف و ناسناقین وان ژیدمر و به‌لکه‌نامه‌یین دیروکیا دیارن.

۴- ده‌هوزان و به‌ره‌مه‌یین قان هوزانقاناندا دیار بوویه گه‌له‌ک ب هوزانقانی مه‌زن مه‌لایێ جزیری داخبا بووینه و پێ کاریگه‌ر بووینه و ژ ئه‌نجامی قی چه‌ندێ هنده‌ک ژ وان دیوانا وی ب ده‌ستین خوه نقیسینه، دبیت ل ژیر قی کاریگه‌ریی وان هوزان قه‌هان‌دبیت.

۵- تشتی بالکیش د ناخه‌روکا هوزانین قان میراندا دیار دبیت، کو ه‌یج به‌رژه‌نگین سیاست و حوکمرانیا وان ده‌هوزانین خودا دیار نه‌کرینه، ژبلی هنده‌ک لایه‌نین کیم ژ ژيانا خوه، به‌لکو بابه‌تین خوه بو سوفیگه‌ری و بابه‌تین ئایینی و دلداری...هتد ته‌رخانکرینه.

۶- دقه‌کولینیدا دیار دبیت، کو هه‌ردوو میرگه‌هین به‌ه‌دینان و هه‌کاری سه‌رکیشین هوزانقانی میر بوویه، ئانکو دناف هه‌می میرگه‌هین کورداندا ب گشتی بتنێ میرین قان هه‌ردوو میرگه‌هان گرنگی ب قه‌هان‌دنا هوزانی و دانانا دیوانان دایه.

لیستا ژیدمران:

أ- ده‌ستنقیس:

۱- اسماعیل پاشا، که‌شکولا اسماعیل پاشای (ده‌ستنقیس). دانه‌یه‌ک ل ده‌ف هی‌رش که‌مال ری‌کانی پاراستیه.

۲- نفیسهری نه‌دیار، که‌ش‌کول (ده‌ستنفیس). ئه‌رش‌یش‌خانه‌یا نش‌تیمانی ل به‌رلین https://www.qalamos.net/receive/DE1Book_manuscript_00044986

۳- محمد طیار پاشا، دیوانا مه‌لایێ جزیری، (ده‌ستنفیس). دانه‌یه‌ک ل ده‌ف هێرش که‌مه‌مال رێکانی پاراستیه.

ب- په‌رتووک

ب زمانێ کوردی:

۱- اسماعیل بادی، مه‌درسه‌یا قوبه‌هان و رولێ وێ د پێشقه‌برنا ئه‌ده‌بیاتا کلاسیکا کوردی، نافه‌ندا خانی، ده‌وک، ۲۰۲۱.

۲- ته‌حسین ئیبراهیم دوسکی، باغی ئیرم، سه‌نته‌ری قه‌کولینین کوردی، زاخو، ۲۰۱۹.

۳- ته‌حسین ئیبراهیم دوسکی، دیوانا په‌رتو به‌گێ هه‌کاری، ئه‌کادیمیای کوردی، هه‌ولێر، ۲۰۱۷.

۴- ته‌حسین ئیبراهیم دوسکی، گولزان. ده‌زگه‌هی پالو، ده‌وک، ۲۰۲۲.

۵- ته‌حسین ئیبراهیم دوسکی، ل دور ئه‌ده‌بی کرمانجی ل سه‌ده‌یی ۱۸ و ۱۹، کورێ زانیاری کورد، هه‌ولێر، ۲۰۰۴.

۶- دیوانا مه‌لایێ جزیری، ساخکرن: ته‌حسین ئیبراهیم دوسکی، کتێبخانا جزیری، ده‌وک، ۲۰۲۰.

۷- سه‌عید دێره‌شی، شاعری مه‌زن مه‌مه‌د ته‌یار پاشا میری به‌ه‌دینا، کوکارا دیروک، هژمار ۱۴، ده‌وک، ۲۰۱۷.

۸- سه‌عید دێره‌شی، کوتاه‌یا میرگه‌ها به‌ه‌دینان، کوکارا دیروک، هژمار ۹، ده‌وک، ۲۰۱۵.

۹- صادق به‌اء‌الدین ئامیدی، هوزانثانیته‌ کورد، کورێ زانیاری کورد، به‌غداد، ۱۹۸۰.

۱۰- عبدالرحمن مزووری، میرعمادمدینی هه‌کاری (سه‌بوری)، کوکارا په‌یف، هژمار ۶۰، ده‌وک، ۲۰۱۲.

۱۱- عبدالرحیم رحمی هه‌کاری، تضیق انکشاف، روژنامه‌یا کوردستان، استانبول، ۱۹۱۹.

۱۲- مارف خزنه‌دار، میژووی ئه‌ده‌بی کوردی، ب ۲، ئاراس، هه‌ولێر، ۲۰۰۲.

۱۳- مه‌مه‌د عه‌لی قه‌رده‌اغی، بایه‌خدانی میرانی ئامیدی به‌ روشنبیری له‌ ده‌قه‌ری بادیناندا، ئاراس، هه‌ولێر، ۲۰۰۶.

۱۴- مه‌لا مه‌حمود بایه‌زیدی، جامعێ رساله و حکایتان، بترسبورک، ۱۲۷۷مش.

۱۵- میرزا مه‌مه‌دی یازجی، مختصر احوال الامراء و مرگيران: نزار ایوب گولی، سپیریژ، ده‌وک، ۲۰۱۲.

۱۶-

- ١٧- نزار ايوب گوئی، ژ هوزانشانين كهفنين بههدينان مه لا ردههزاني عهباسي، كوشارا ديروك، ژماره ١٢، دهوك، ٢٠١٦.
- ١٨- هيرش كهمال ريكاني، شاعرهكي دي ژ كلاسيكين كوردي مير عهبدوللاه خان بهگي ههكاري، كوشارا رووگهه، ژماره ١٠-١١، دهوك، ٢٠٢٠.
- ١٩- هيرش كهمال ريكاني، عهشيرمتين بههدينان ١٥١٤-١٩١٨، سهنتهري بييشكجي، دهوك، ٢٠١٩.
- ٢٠- هيرش كهمال ريكاني، گهجنينهيا بههدينان، بهرگي ئيكي، پروژمين بهندمر، تههران، ٢٠٢٠.
- ٢١- هيرش كهمال ريكاني، مير و شاعري كورد محهمهه بهگي ههكاري (علائي)، كوشارا كهشكول، شماره: ٧، سال: ٢، مهباد، ١٤٠١هـ. ش.

- ب زمانئ عهربي:

- ١- أنور الماي، الاكراد في بهدينان، ط٣، مطبعة خاني، دهوك، ٢٠١١.
- ٢- تهحسين ئيبراهيم دوسكي و حمدي عبدالمجيد السلفي، معجم الشعراء الكرد، سبيريز، دهوك، ٢٠٠٨.
- ٣- سعدي عثمان هروتي، كوردستان و الامبراطورية العثمانية، موكرياني، اربيل، ٢٠٠٨.
- ٤- شرفخان البدليسي، شرفنامه: ترجمة: محمد علي عوني، دار الزمان، بيروت، ٢٠٠٧.
- ٥- نزار ايوب گوئی، اماره هكاري في العهد العثماني، سبيريز، دهوك، ٢٠١٧.
- ٦- هوگر طاهر توفيق، الكرد بحوث و دراسات في تاريخهم الحديث و المعاصر، سهنتهري زاخو بو شهكولينين كوردي، زاخو، ٢٠١٩.

- ب زمانئ فارسي:

- ١- تمرخاني يازجي، ميرنامه حكاريان، تصحيح: خالد ساديني، پيوند، وان، ١٤٠١هـ. ش.

دور الأمراء الشعراء في ادبيات الكرمانجية العليا الكلاسيكية امارتي بهدينان و هكاري نموذجاً

الملخص:

لقد ظهر الادب الكوردي في أحضان الامارات الكوردية، لذلك فقد أثر مرحلة الامارات في التاريخ الكوردي على أدبه، لا سيما وان بعض الامراء أهتموا بنشر العلم والادب في اماراتهم وبدؤوا بكتابة الاشعار ووضع الدواوين جنباً الى جنب قيامهم باعباء السياسة والحكم.

يركز هذه البحث على مرا حل ظهور الادب الكوردي في الامارات الكوردية، كما يلقي الضوء على امراء الشعراء وبيان دورهم في مجال الادب والشعر، مع التركيز على تجاربهم الشعرية

وآثارهم من حيث الشكل والمضامين. وهل انعكست تجارب الامراء السياسية والإدارية في آثارهم الشعرية؟ وهل انتهج هؤلاء نهج الشعراء الذين سبقهم، ومن هم أبرز الشعراء الذين أثروا على شعر هؤلاء الامراء.

وفي الأخير تكمن أهمية هذا البحث في ان الكثير من القراء لا يعرفون لحد الآن ان بعض الشعراء الكورد الكلاسيكيين كانوا أمراء وخصصوا مراحل من حياتهم للحكم وإدارة اماراتهم، و في نفس الوقت كان لهم يد طويلة في الادب عموماً والشعر خصوصاً. ويساعد هذا البحث في تكوين صورة أوضح لهؤلاء الشعراء.

مفاتيح البحث: الأدب الكلاسيكي، الامارات الكوردية، الامراء الشعراء، بهدينان، هكاري.

The Role of Prince Poets in the Northern Kurmanji Kurdish Classical Literature Hakkari and Bahdinan as an example

ABSTRACT:

The Kurdish classical literature emerged in the embrace of the Kurdish emirates. Hence, this period of history had an influence on the Kurdish classical literature and poets. It is worth mentioning that several Kurdish princes, in addition to their political and power positions, had an influential role in composing poetry and had published their own poetry collections.

This research stresses on the developing stages of Kurdish classical literature in accordance with the Kurdish emirates. Besides, it focuses on the prince poets showcasing their role in the literary and cultural fields. The paper studies the poetics of their works in terms of style and content. It addresses a manifold question about poetry written by prince poets. Did their poems include political and authoritative inclinations? Or were their poems devoid of such inclinations? Did they follow their contemporaries and their writings as a blueprint for writing theirs? Or did they follow their poetic ancestors? Most significantly, which prominent poets, from the two mentioned groups earlier, influenced them the most?

This research is significant for its aspiration to familiarize the readers with a number of Kurdish classical poets who were princes and had dedicated a stage of their lives to authority. This research highlights their prolific abilities and noteworthy role in writing poetry.

Keywords: *classical literature, Kurdish emirates, prince poets, Bahdinan, Hakari.*